

Իսկ Կայսրն Յուճնաց Ալէքս, որ տհաճ իմն էր կոխել նոցին 'ի տաճմանս երկրին իւրոյ, առաքեաց զօրս ընդդէմ նոցա . եւ 'ի պատերազմին անկան բազումք յերկուց կողմանց եւ ապա հաշտութիւն արարեալ ընկալաւ զնոսա Կայսրն 'ի քաղաքն . եւ յետ դաշինս կռելոյ ընդ միմեանս՝ մեկնեցան Լատինք 'ի Թագաւորեալ քաղաքէ անտի 'ի կողմանս Բիւթանիոյ, ուր ընդդէմ ել նոցա հզօր բանակն այլազգեաց . եւ 'ի խմբել մարտին, պարտեցան այլազգիք եւ Լատինք սուր եղեալ կոտորեցին զնոսա եւ որք միանգամ էին 'ի Նիկիա քաղաքին, եւ տիրեցին այնմ: Եհաս գլուխկան առ Սուլթանն Դլիճարսլան, եւ պատմեաց նմա զանցս այլազգեաց: Եւ նորա Թողեալ զպաշարուն Մելտինէ քաղաքին՝ դիմեաց սաստկութեամբ 'ի վերայ Լատինաց, Թէպէտ եւ երկիցս բաղխեցաւ ընդ բանակի նոցին, բայց ոչ կարացեալ ընդդէմ կալ ահաւոր զօրութեան եւ յանդուգն յարձակմանց նոցին, 'ի պարտութիւն մատնեցաւ . եւ 'ի փախչել զօրացն զհետ մտեալ Լատինաց կոտորեցին զնոսա 'ի բերան սրոյ, եւ ժողովեցին աւար բազում: Եւ տիրեցին նաեւ 'ի կողմանս յայնոսիկ 41 քաղաքաց եւ 200 աւանաց եւ շինից . զնիկիա քաղաք ետուն Ալէքսի Կայսեր 'ի պարգեւ: Յայսչափ պատերազմունս եւ յարչաւանս այլազգեաց, եւ յաշխատութենէ դժուարին ճանապարհին, եւ 'ի գաղտնի դաւաճանութենէ Յուճնաց, կորեան 'ի բանակէ Սաշակրաց ոգիք իբրեւ 13,000 . իսկ անկան 'ի Թշնամեաց ոգիք իբր 200,000 . բայց եւ այնպէս Թիւ բովանդակ բանակին Լատինաց հասանէր 600,000 հետեւակաց եւ 100,000 հեծելոց:

Յետ այնորիկ յառաջ խաղացեալ ճանապարհ արարին ընդ աշխարհն Գամրաց եւ անցեալ ընդ կիրճս Տորոս լեւրինն մտին յաշխարհն Կիւլիկիոյ . որպէս եւ յառաջագոյն ազգ արարեալ էին իշխանացն Հայոց 'ի ձեռն դեսպանաց եւ Թղթոց . եւ առաջնորդութեամբ գնդի նոցին հասին յԱնտիոք Ասորոց եւ պաշարեցին, որ եկաց 'ի պաշարման ամիսս իբրեւ 10 . ուր պակասեցաւ պաշար կերակրոյ եւ անկաւ սով 'ի բանակին եւ մեռան իսկ բազումք 'ի նոցանէ . եւ յետ երկարատեւ պատերազմացն առին զքաղաքն Անտիոք եւ կոտորեցին զայլազգիսն, որ անդ (1098):